



國家清史編纂委員會·文獻叢刊

清代詩文集彙編

國家清史編纂委員會 · 文獻叢刊

# 清代詩文集彙編

《清代詩文集彙編》編纂委員會 編

上海古籍出版社

# 清代詩文集彙編 五二三

憶山堂詩錄八卷 宋翔鳳 撰

一

洞簫樓詩紀二十四卷 宋翔鳳 撰

七九

洞簫詞一卷 宋翔鳳 撰

二八五

碧雲盦詞二卷附樂府餘論一卷 宋翔鳳 撰

二九三

樸學齋文錄四卷 宋翔鳳 撰

三二五

紫亭詩鈔四卷 李辰垣 撰

三九七

延禧堂詩鈔一卷 豐紳殷德 撰

四五九

東里生燼餘集三卷附王述曾撰王木齋遺文 汪家禧 撰

四八五

寄嶽雲齋初稿十卷附回文賦一卷補遺一卷 聶銑敏 撰

五四七

## 憶山堂詩錄序

余初事篇什風氣已降爲者空疏無事學問可率意而成遂不甚致力乃學爲考據則如拾藩蕪益於用

銅京師將算簿帳於滇過家攜之出門行四閱月涂

次自教之流寓數載則先母督之嚴長篇短軸不使

去手亦惟廣所未見求其離合不甚爲詩也其時庸

濮閒有夷苗之變繼以兩楚奸民道梗瘡痍疾苦有

觸懷抱迨偕計吏屢往返京洛曾未得當足迹所至

已歷九州誦山川之峻深酬當世之雄傑然而源流

### 序目

未涉空軫無歸當其哀吟意亦斷絕年垂四十得文

學豫凡就是官輒難舉其職恐徒竊祿粗作料檢而

來駭怪感憤發疾痛吾生之有涯恨知已之將盡曾

無巖壑以藏其身罔顧險巇以潤其迹遂以偃蹇而

多頽放或不知其憂轉以爲謗亦不欲辨也多病忽

遺不能整齊就所存者爲憶山堂詩錄憶山堂者取

謝氏之詩以自名其居也嘉慶二十五年七月長洲

宋翔鳳記

卷一癸丑至丙辰詩七十五首

卷二丁巳至壬戌七十一首

## 卷三癸亥至乙丑詩五十五首

卷四丙寅至庚午詩五十八首

卷五辛未詩六十九首

卷六壬申癸酉詩六十六首

卷八乙亥詩九十五首

丁巳以前詩在滇時經望江檀大令點定并爲作序  
今並失去惟見檀氏滇南詩話載有數篇皆淺弱不足補入居里時同縣王典簿吳江袁徵士皆嘗繩削之在京師客大興朱太傅邸中太傅亦定其詩瀕行贈詩復激厲之後大興舒孝廉覆加去取而力勸刻之者則同縣徐侍郎也嘉慶戊寅秋日偶至白下因取癸丑至乙亥二十三年之作分爲八卷付工刻之時擬并及丙子以後故序中兼言之然官所至白下

### 序目

一江之隔寫時不能對校八卷之中所錄者或刪去所刪者反盡存而首卷尤甚當時任其印行茲江程頻頻阻風舟中偶取視之輒敗意不能終卷乃粗理削料前後中間稍改易其字句畧可通者卽存之此後去之詩不更鹵莽以行故就入卷而止然昔之點定其詩而阿好之者其人皆已九原則此詩雖不足以及其遠而憂樂合散之故亦可就以考見固有不得存者焉道光五年正月十七日附記

憶山堂詩錄卷之一

癸丑

園樹四首

園中木蘭樹含苞度霜雪春氣一回復爛熳滿枝節  
微風難動搖朗月照清徹後來百鶯妍誰能如汝潔  
牡丹亦奇植共說姚黃花花開自年年折贈知誰嗟  
早能飽風露因之鬪雲霞富麗時易歇歲月浩無涯  
曷不培本根毋徒重繁葩

閒步一畝宮涼月漸朦朧枝頭有古香葉底多秋風  
曠然千載心遠託山阿中何時著書成壽此桂樹叢

詩十

草木有代謝松小恒青蒼欲參羅漢乘疑發優曇香  
不爲濤聲壯不作龍鱗僵終歲足生意鬱鬱還自藏

復園乾隆初郡人蔣君就拙政園舊址重葺爲復園繪復園嘉會圖一時勝流皆在

拙政園初復詩人昔往來風流成一世雲木已荒臺  
海燕幾時到山茶何處開吳梅邨有拙政園山茶歌聞歌空掩抑

思古儘裴回意未親魚鳥功誰闢草萊捫蘿時恐刺  
看竹不須猜石更從容品花期爛熳栽知無最高頂  
謝客莫生哀

除夕

今夕是何夕蕭蕭歲已闌燭花時送喜酒纈不知寒

上壽重親健清尊萬里看牂柯遲信息潛漢有波瀾  
況值蹉跎景彌定省難梅巡簷際樹梨釘座中盤  
覓句燈花落隨身劍影單不眠從鏡聽遠道願平安

甲寅

京口

京口昔巖鎮今來惟柳絲難尋寄奴迹不見佛狸祠  
春岸溢遙思候潮無盡時吾生牢落甚欲訴暮江知

瓜步夜泊見月

瓜步茫茫樹清淮寂寂流可憐二分月空望古揚州

渡江

詩十一

不辨金焦影春江往復還暮潮依信至難洗淚斑斑  
春閨曲

落花辭條花自冷春人送春心耿耿簾風不度幾裴  
回春氣著人如醉酌朝朝日射東南樓寶帳流蘇樓  
上頭夢作柳花無倚著愁成萍葉易漂流連錢古陌  
青驄馬垂轡停鞭酒鑪下竹枝一曲意全消玉軫三  
更淚盈把欲贈名花無數情隔花啼鳥亂啼聲暮雲  
怕惹春閨恨低作重陰看未明

王廢基

在蘇州府城傳爲張士誠故宮

蒼耳生寒埂青憐出廢基獨行成曠望弔古一淒其

勝國朝初建羣黎聽尙疑曾傳陳勝王偏繫楚民思

下邑資經畫中吳任指揮離宮依茂苑別殿彷彿墀

密石雕虛檻文梁發曲池紆迴穿沼沚宛轉見山坻

碧玉闔門瓦黃金夾道枝居然同壯麗誰與辨雄雌

不謂彈丸地終如累卵危假王原未久大命豈能靡

一旦師垂入三軍氣弗支營看皆漢幟城不堅降旗

忍以千家產燔成一炬悲當年侔魏闕終古見荒陂

興廢猶前日銷沈悵往時欲增吳地記聊比越宮詞

莫雨耕遺礎春風臥斷碑賢明說嬰母古墓尙金姬

金姬墓在城外土誠母所葬也

五人墓

詩一

三

詩一

四

山塘足遊賞結客共尋春古道多叢葬豐碑誌五人  
流連悲往事憑弔總先民奄寺橫前代羣賢歎不辰  
豺狼嗥滿道桎梏逮孤臣吏部詞原激中消目共瞋  
擬將心比石乃使路生榛憤起專諸里哀深易水濱  
措奸非量力取義自忘身緹騎魂真喪貂璫怨益新  
縱橫都市戮慷慨下泉親碧血何時變青山此日鄰  
千秋懷毅魄一代已寒燐任俠酬知遇公忠係搘紳  
鼓刀非宗宗載筆太斷斬北寺冤同覆東林道未泯

墓門成斧棘過客戒樵薪落日松林晚東風欲墊巾

壽翁詩名同春諸暨人遊淡水同知幕賊林爽文亂戰沒

壽翁會稽人七十頭已白時平無可用投老幕下客

夙習形名家案牘非刻覈不厭魯酒薄春風脫簪幘

布衣亦區區撫劔還自惜時爲閩粵遊頻倒諸卿易

清時海波恬浩蕩賈人舶澎湖隔諸郡往來挂帆席

詎謂丙午冬竊發侔蠭蟄紛紛殺文吏知是探丸赤

官死人欲逃誰能辦所適大軍時未來賊作嬰城柵

皆憂鹿耳開咽喉爲彼搥方隅淡水城存亡在朝夕

咄嗟此翁起談笑無矛戟當時賊溪信俛首乞經畫

翁陰約吏民一呼衆相格空城食時復賊首草中擲  
無何大軍至震霆驚妖魄翁來造營門便陳勦撫策  
渠魁雖負隅勢已削肘腋願得提偏師殺賊期自責  
隨營諸偏裨聞言舌俱咋彼賊已猖狂奚能指顧獲  
此翁一何愚乃欲當其阨元帥壯其言授翁兵二百  
自古善師者志不在求益聲援責後勁前茅始難卻  
方其率衆前賊已阻險窄局促爲巷戰兵短相鉤撫  
孤軍入已溪後顧徒悲喟吁嗟七十翁一死見平昔  
其先支危城百死完趙璧雖無一命寄而乃志疆場  
取義良匪難成仁在所擇丈夫死有地千年裏馬革

卽今慶

盛世小醜已獻馘表章斯布衣誰云

九重隔嬉嬉諸府兵介胄同時釋願告守土者片言  
露肝膈邊隅實窮遠取可量肥瘠使其無告時困獸  
猶跳躡徒令斯布衣聲名垂竹帛詠歌有遺音窮泉  
血應碧

鈔書自題

尚書大傳

伏學山東盛今文科斗偕師傳徒放失大義此根荄  
洪範一錙別洪範五行傳錙子政父子作不當雜入大傳四十篇內崇文四卷

詩十

五

乖崇文總目書大傳已非元本志尚書傳四十一篇十八篇經文數合則是通論大義如韓詩外傳之例不必附麗于當篇之下也故康成敘云別作章句又雜傳內今雅雨堂本經傳雜出惠松崖手也何時合經傳斯誤起松崖漢書藝文

乙卯

寄諸妹演中二首

歲寒何事譜羣芳入臘山家信未荒雪意欲濃香澹泊冰魂乍返色昏黃也堪竟月相酬答不與春風共較量恰有水僊能作偶何愁偃蹇幾枝僵

蠟梅

詩十

六

識中是春秋法君能悲緯搜遺文輯唐代古讀注張爰湘灑文棠將遊淮上賦此送之恨起瞻雲樹已相思三春作客詩應好千里懷人酒漫持問訊當年漂母廟近來帶劍少人知

記事

憶向江頭見盈盈淚未乾東風低弱草幽露泣春蘭

鏡檻人方倚銅鋪夢已殘誰知飄泊久秋水不勝寒

駮五經異義

門戶從來固調人自古難汝南今學缺北海秘書殘帝繫潛夫述明堂博士官鄭公元內學聊此一更端叔重多用今文家說康成又以緯書斷之如議明堂及五帝繫尤其大者

論語鄭注

微言元不絕魯論廿篇留子夏六十四人共撰仲尼言以當素王見論語崇

一卷徵欽事繙來痛寡儔東京傳九帝北聘等諸侯

危急開言路徘徊失坐籌寇來兵尙偃陰盛黨仍鉤

盟已輸孤注身同作贅旒河山如草芥骨肉共俘囚

青蓋何年識黃沙萬里愁穹廬行酒去宮衰聽歌留

妃主多勞面君王竟戴頭何人合餘燼此日咷前謀

弔詭稱泥馬悲涼獨土牛

迎春土牛有淚痕是年汴京破紀聞云

傳聞

空日月實錄異春秋汲郡書難信虞初說已哀言應

傳計替監二帝者阿計替名孰定辛周

南宋雜事詩注作周輝著此本題辛棄疾

或以和戎議曾忘喪國羞故陳詞慘酷將使志仇

讐壇場思諸將朝廷錯六州徒教千種淚并作一雙

詩十

七

流中有孤臣血時無壯士憂可憐南渡日江上足優

游

高樓二首

高樓臨大道自小識東家衰憶裁縫薄風還料峭斜

影從青瑣見愁被綠楊遮好住清溪畔年年夢落花說事渾難記言愁有別腸詩篇贈桃葉丸藥乞蘭香

惆悵筵前語分明夢裏妝但能心叩叩何必問行藏

秋海棠

獨有寒煙滿故宮誰知秋色太忽忽芳心迸作淚千

點冷露滴開紅一叢欲識深痕風定後最憐清影月

明中玉階莫厭花無賴引入詩懷便不同

北新關蚤起

昨到錢唐縣行舟宿水邊鼓聲闌蚤破篷影日初穿脈脈煙生水離離樹滿川遙聞津吏語絲粟算商錢

錢唐江夜泊聞潮

驚起寒江宿中宵萬馬鳴曾聞強弩射不見候潮平夜久聲逾壯風多意更清扁舟如葉寄直欲悟浮生

江山船雜詩

篷窗坐臥對烟鬟見底粼粼碧一灣白是鶯鶯紅是相賴他點綴富春山

詩一

八

七里灘聲帶夢聽風多猶有一鐙青寒宵萬里沈沈黑難向天邊認客星

幾年飽喫洞庭霜又把衢州橘子嘗紺袖雙雙纖手摘品來佳種更難忘

隔卻船窗想未眠玉人如霧水如煙不須細數隨潮信人意江波共可憐

幾擔琴書幾襲衣經旬水道尙依稀明朝懷玉山頭望只有寥空數雁飛

滕王閣

帝子忽以遠才人同渺茫高樓亦瑰特過客幾方皇

落木千山冷寒流百折長問他牛斗分劍氣可能藏  
長沙

楚山如畫楚江清擊楫中流感自井暮雁寒雲愁裏遠女牆雉堞望中明青山寂歷懷湘魄舊宅淒涼問賈生惆悵從來是騷客況當搖落未勝情

## 讀桃花源記過桃源縣作

五柳先生絕代人未流難挽此間身編詩年不題劉宋作記心同避暴秦絕徑荒唐豈有迹重門指點太無因寄聲結綱臨淵者我亦迷途欲問津

## 玉屏舟中作

詩十

灘行水宿太勞生到此溪流更不平諸葛營西草蕭瑟夜郎城近樹縱橫晴山窗外一時碧浣女竹閒相對明遙想蠻雲千萬疊東風送我蹇驢征

## 鎮遠逆旅立春呈家大人作

朝來窗見日知是客中春爆竹山城滿神茶板屋新蘇臺應有雪沵海想無塵氣候西南早東風自滿津

一月湖南道清灘記溯洄時聞飛羽檄頻報縛渠魁盾臯消磨盡壺頭覽眺哀五溪銅柱在曾記寫詩來

丙辰

飛雲巖在貴州黃平州城西二十四里

人生或不到奇境往往有何處一片雲飛著此山阜如烟生蒼梧如絮出谷口突若虎豹蹲低作龍蛇走危亭矗高峯可以挹星斗寒梅發回坡古香襲襟肘盡忘一切因清磬和寒剗黔中多山巒奇者此無偶我來暫登陟不覺低徊久迺知造物心待此山靈厚清奇不容發險阻各相守不然一洞天又爲世人剖壁閒模黏字殊難辨妝靨似欲贈飛雲雲飛不回首吾詩不題石醉以數升酒斯巖儻有靈爲我時一吼

響琴峽平越境

澗曲聲泠泠湍急石齒齒人看山色來馬隨澗聲止

詩一

空山極寥沈但聞清入耳始知太古音自在山與水陶令尙多事無弦非真理欲攜左太冲招隱空山裏

老鷹巖普安州境

平地無三里黔諺天無三日晴地無三里平斯巖歷更高飛應怯鷹隼捷欲羨猱猱危石當官路東風敝客衰溟雲今可望莫憚此行勞

## 蘆笙曲

蘆笙苗樂也其俗於正月中小男女攜笙於山頭競吹謂之跳月相悅則以聲通意云

新樣製蘆笙吹來藉通語脈脈明兩心對對小兒女

春林發新聲滿山有明月吹得羣花開不許羣花歇

石虯亭作

入平彝縣境有奇石如兩龍蟠屈半畝故巡撫部公  
栗命之日石虯因建亭其上

滇竟今朝入高亭撫石虯山容一舒眼地脈兩分頭  
虯形兩首相背若分向滇黔者然

宿雨消蠻瘴春風破客愁晴天兼

好路前望欲歌謳

歸化寺

雲南府城東十里勒等捨吳孽于此因建爲寺

國初察員

步蹀入高寺羣山對面青雜花紅一塢芳草綠盈庭  
禪意交關悟雲光澹沱停青蛤二千里勝地始來經

詩十

十一

此寺康熙建豐碑蘚未生王師新紀績戰士舊題  
名策馬豈無意曉鶴時有聲前頭山色好指點碧雞  
城

夜住江川縣關索嶺上

僕僕日行役漸沒飛鳥影舉首望前涂一嶺最高迥  
娟娟初三月照我來絕頂路險馬蹏蹶竟僻人聲靜  
曾無一茅檐可以息馳騁忽聞機杼聲出自幽絕境  
其中屋數楹兩扉猶未扃啁哳數僰婦細語消夜永  
繫馬入其內訝問客何等迺乞一席地聊以宿俄頃  
馬嘶齧樹根人飢食胡餅山高林木振入耳發溪省

世路多屈曲一身若蓬梗顧僕理鞍轡夢覺空山冷

通海縣書事

忽見秀山鄧蒼茫夜色侵語言皆在口安否正關心  
小婢出然燭慈親起擁衾入門無可說喜極淚盈襟  
諸妹各相見都來問阿耶祇因繫王事未免滯還家  
大人以運銅回滇報銷未即請咨回籍去里近百日看山鄰五華晨興

常太息一室總天涯

五華山旁大人寓會城

寓樓雖自小足稱一家居卷帙千層亂窗櫺兩面疏

嚴師慈母訓益友古人書況有青山色看來畫不如

阿母課諸女晴窗筆共拈新春歌纂纂小妹髮鬟鬟

詩一

十二

此是家庭樂須將歲月添七年離別意鎮日數郵籤  
如此彈丸地居人盡古風借書頻送札次韵不裝筒  
鄰甕酒初熟山家花正紅頻尋雞黍去多識應門童

懷人三首

陋巷汪夫子溪居盡典墳三年曾著錄一卷識奇文  
講畫歸家法門牆孰張軍近爲臨碩難此義幾時聞  
汪竹香師

雲山催客去風雨送愁來海內徒詩筆生前托酒杯  
狂濶元易輓異境更能開只有袁宏道飄零尚可哀  
袁湘灑丈

夙羨黃童譽寒窗共兩年相規猶在耳得意且忘筌  
芳草侔詩格春山入畫禪雁鴻來有日萬里好將傳

黃香涇文學時館余家

天下大師祠

去國烽煙裏安身雲幾重傳疑真此事弔古有遺蹤  
寒食聞曉鳥空山唯暮鍾野人膜拜處枯寂識真容

贈闌吾三文學

自省通海縣人

小園花發掩柴關卻想詩人興未閑萬卷藏書分秘

笈三桂敗後其幾篇家集在名山

吾三先世名祺兆者康熙閒處士有大漁集

板存秀山寺援琴只許空齋聽揮麈須將世語刪竟

日相逢忘客裏一瓻更約借仍還

詩十

三

時一吟

詩十一

四

題顧處士

朝鼎

畫黑龍潭唐梅卷子

龍潭兩株八百載年年作花常破寒人閒風雪清有  
態腕底芳華殊未闌已磨清齋三斗墨欲張曲室千  
回看美人何時來一嗟空山明月方團團

題圓圓收樓圖

昔吳梅村作圓圓曲以爲一代興亡之所繫余來昆  
明寓五華山下鄰華國寺有樓相傳爲圓圓梳妝處  
夫跋扈之迹足羞於前日而流連之情難忘乎昔詠  
因尋繪事寫之絹素記以七言亦結習之一端也

留別通海諸友人

酌此離亭酒重來定幾年好山行入夢遠樹更如煙

跨馬猶芳草懷人忽暮天祗愁風雨裏處處總曉鶯  
土主廟優曇花  
千瓣開百日兩株蟠一宮花與葉無二淨綠幽庭空  
盡日坐無聲溪林時有風結根從異域留跡開芳叢  
佛書優曇事異名則同香清貴遠聞色淡看朦朧  
精廬磬聲發靜境真無窮

五月五日圓通山寺作

佳辰尋山不出郭高寺涉足堪登臨女蘿幽幽在巒  
石胡蝶栩栩飛空林

蝶數萬飛集滿山

衣香人影媚長日曉鳥落花驚客心天涯中酒默不語薰風吹我

細雨溼幽窗寒憐此夜釭春山留好夢驚我寺鍾撞  
太平橋竹枝詞

太平橋在通海縣城外

橋畔人家半捲簾玉驄纏住雨廉纊花開留客簾前

立一口檳榔可要添

河橋小立日初斜恰稱禮梳鬢似鷓誰說深紅留不得

春來處處放山茶

通海茶花爲滇中第一

留別通海諸友人

酌此離亭酒重來定幾年好山行入夢遠樹更如煙

五華山下移家住鄰寺無人日方暮幾回叉手立空

庭但見栖鳥在高樹高樹依稀想畫樓美人曉起上

簾鉤鏡匣未陳慵乍掩羅衣不著坐含愁

作像月作蛾眉雲作髻當年最稱通侯意舞衰紅銷

先當寫書寄一室都安康我有諸女兒亦足寬愁腸  
臨岐語丁寧攬轡心旁皇回顧五女弟一一待送兄  
念此能聚首忽忽經溫涼蕭疎庭前葉骨肉殊接遑  
長者能筆札幼亦識篇章最小滇中生楚楚勝衣裳  
兄行雪正深安否屬寄將顧我遊子衣又陟千仞岡  
寒風金沙岸旅雁看翱翔

碧雞關

雲南府城西三十里有碧雞神祠

早出昆明縣行行望碧雞平湖千畝闊草屋幾家栖  
野寺白雲合寒闌綠樹低境原開絕徼路漸近荒西  
建國何年始搜神遠史稽天非蘊鴻寶時或露端倪  
一舍留鴻爪長涂倦馬蹏客懷依落日高詠續雌霓  
天下第一湯

天下第一湯懷楊升庵作也雲南安寧州城北有環  
雲巖巖足有溫泉名碧玉泉升庵以議大禮遷謫至  
此題此泉爲天下第一湯余浴之果異遂作此詩  
前年得讀長安志驪山西出湯池膩又見華清賜浴  
圖一片鄰鄰空古意環雲巖下忽來經亦有溫泉慰  
遊思彼猶結想此親歷且解征衣聊一試碧甃榮潤

測未深石牀灑濯流真異始覺滄涼少漸溫此時滌  
盡囂塵氣石上還看赤綠文成都詞客留名字弟一  
泉真在世閒自古驪山湯弟二百重神瀵飲何人萬  
斛丹砂藏此地漫愁飄泊亂峯西不使神奇終古秘  
羯鼓曾傳傾國詞琵琶共說才人事故宮流水碧溪  
雲寫來一樣潺湲淚我慕楊生三百年夢石蒼涼想  
沈醉有二大石上題夢石醉石只有青山閑往時變聲猶度松閒  
吹

早發雲濤寺

鐘鼓鬧僧廊行人起束裝曉煙迷古渡老樹溜餘霜

大

太

犖確馬蹏滑蒙龍虎迹藏亂山雲擁處朝日色蒼蒼

途中雪晴

霏雪忽已過征驥此未停雲藏山脊白葉護樹頭青  
莫色高低堠遙情長短亭歸鷗翻不定前望總冥冥

憶山堂詩錄卷之二

丁巳

春夜衙齋會飲席上作

燈前無語總思家碧月玲瓏又綠紗入座且聽瓊樹曲當筵頻記玉釵斜青衫愁汚透巡酒紅燭難成頃刻花殘醉好同清影散却疑今夜嫩寒加

長鋏

長鋏古奇士誰能倚柱狂風雲銷浩氣藜藿竟枯腸龍肉朝朝說豬肝頓頓嘗好攜殘炙去詩料亦無妨

亦是二首

詩二

十

詩二

十一

亦是圍城裏真同幕上烏東風靜塵市十日斷樵蘇

脫橐鼈中飯勞薪戶上樞何須閉門泣笑殺牧豬奴  
竊發無寸鏹歎呼惟數人倚鞍何用草按劍且休嗔  
良法存鉤距危言在徙薪空聞行櫂響月色滿城闕

題淑蓮女史遺像

永寧阿土司女

今年曾入萬山行寂寞山光看未明樓閣難尋阿襪

主鶯花空滿木邦城天人相合圖中見越客題從醉後成只是春風蚤寥落櫻桃紅獨可憐生

春風吹到芳菲歇留得櫻桃蓮句也

三渡河大雨

永北廳南七十餘里爲三渡河

路出西南徼長途亦裏糧山程多宛轉水道仍微茫  
秋草征人倦官榆舊驛荒無心逢古渡有客問餘皇  
萬里流偏迥千山赴未遑渠原環笮僰名是昔蘭滄  
疏鑿功初及犇騰勢竟狂踰溝三刻勇捩舵百鈞強  
彼岸非遼闊中流意激昂波瀾生湧洞篙檝復披猖  
沙色金爲比濤聲鼓未當片時猶惴惴遠溯定悵悵

路逢鄉客鄉思生繁維遲我山行程西日欲落苦別去計里未遠將三更河濱攀礎馬傷足夜色慘澹人希行忽聞東南震霆起暴雨如捲黃河傾誰憐馬上局且脊數聲聲酸絕蕭蕭鳴四山滅沒望前路賴此電色光晶晶夜中一舍三十里郵亭至止敲柴荆溼衣聚火煨榦榦篝鐙作黍尋鑪鑪同人各歎客遊惡聽我一笑言皆驚風霆在天豈可測山川大地多難平幕天席地容我輩此中浩氣須縱橫何緣惻惻怨行役似茲來去鴻毛輕解裝且作一宵夢夢聽門外江潮聲

金沙江驛樓

一樓光未暗聊可息行程燈火宵分意波濤雨後聲江流和夢遠劍影只愁生隔岸媛嚦絕清魂定亦驚

渡金沙江作

創議言從古迂談事豈量因茲通珣牆直欲泛沙棠  
犂水經諸國岷山隔此鄉導江由地防乘檣接山岡  
餚水如高屋衝波狹劍鋒源隨峯起伏壑盡石包藏

不以經過便奚能曲折詳幾人明水地何處識梯航  
遠道來曾數行輶去倍忙他年溯江水高詠續滄浪

阿止莊

阿止莊前路溪喧語不諱山程纔一半官道盡三叉

瓦屋依巖足笆籬露樹桓草堤迷馬迹石徑記人家

隔牖憐嬌女當門弄野花蠻妝成髮髻鶯笛聽嘔啞  
抵莫人輶少留行暝色斜近炊香稻熟小飲濁醪賒

詩二

三

白木牀偏短青泥壁半遮山松然作燭新穀鬻當茶  
共說方音好駢生遠地蹉跎增客語愁思滿天涯

沙坪

鄧川州竟

高樹鉦方挂長亭路未休遠行資健馬遐思狎輕鷗  
洱海沿隄闊沙坪向晚投一盃迷遠水方郢識平疇  
短脊依灘屋揚帆隔浦舟清光生野鄙霽色到重樓  
窗小烏皮潔簾疏玳押收有山皆作碧無樹不宜秋  
獨坐心逾靜高吟興寡儔滄波如晝裏明月又峯頭

大有江鄉思應添木葉愁何當未搖落爲共咏滄洲  
大理府飛來寺題壁

奇絕飛來寺遊輶記剎那亂山當面起古木入門多  
鍾磬天風響魚龍地軸過點蒼高迴處雪色照峩峩  
絕句調吳朗

空庭細雨亦廉纖省識秋來小病添藥氣濃熏花氣  
減夜寒須下水精簾

酷憐風月應非分別有心情最我曹小閣秋深人不到  
烏絲闌寫續離騷

呈檀山長

萃

先生多道氣江左眞師儒昔爲一縣令今作公家徒  
不以窮愁身貶損道德腴遺編手不釋投老性命俱

詩二

四

文詞盛波瀾欲救當時愚有時露狂詭盡改凡形模  
邊陬地荒僻學問不可孤草堂得相見意境殊恬愉  
議論在一世文字非自娛卽今訂往復待與窮根株  
世俗日滋異禮失難具論皆由綴文士意不求古人  
我讀曲臺記篇弟猶可陳代有章句儒精義終沈淪  
譬若周道砥而多塞荆榛默齋老居士注禮追經神  
刪除俗師說還此二戴真不教終委棄耳目千秋新  
戴記尚未脫藁聞欲合注大小

周王好巡遊紀注莫可踵寂寞千餘年巍然出戶冢  
筆畫殊古籀破碎益臃腫欲讀口如鉗尋義心更蹶

古書有通塞抉發開眼孔字疏復句櫛妙詞若泉涌

辦窮大荒西變怪實此總奇文出奇情舌咋心婁悚

試看宇宙間此義得幾種

撰穆天子傳十四卷疏中辨河原萬餘言甚奇確

文章世所同立言存其人窮愁不著述垂老空江濱  
先生髮已皤猶寄萬里身點竄六荔論盡洗陳言陳  
文辭追楚騷奇迂益悲辛西南萬山中老屋圍荒榛  
山阿有山鬼含睇意復暝淒涼一時語千古誰能鄰

聽人彈琴

蟾蜍不響月在壁四座相看七弦直一宮一徵金徽  
鳴魚龍入淵牛斗清道人不覺向天笑千里明河波  
蟾蜍不響月在壁四座相看七弦直一宮一徵金徽  
鳴魚龍入淵牛斗清道人不覺向天笑千里明河波

詩二

五

有聲空山幾年憶儔侶握手無緣說私語曲中幽意

豈易傳可憐條條槧上弦

黑龍潭紅某

寒山無可憶絕憶兩株梅霜雪奇葩發虬龍老榦摧

蕭疏攜舊侶清冷問高臺深暈殘霞簇微渦醉纈堆  
香憐紅雨重影護絳雲來碧血留千刲丹沙種幾回  
好爲塵外伴卻想古時開偃蹇相逢處徒傾酒一杯

戊午

贈袁州倅

文接

若不來南徼如何得見君關山悲失路風雨感斯文

長劍猶能撫嘯鶻不可聞高歌今有伴柰此萬重雲

諸葛留銅鼓王褒祀碧雞方言風雅備故老姓名稽

此日思黔楚頻年習鼓鼙從軍新有曲應向卷中題

君方選輯漢人詩

徐生才調敵煙霞別卻江南反憶家明月誰聞芳樹  
曲青春同護海棠花愁如科斗文難識色取珊瑚思  
未加借問句留幾時事大堤新唱竹枝斜  
束徐農先

讀漢書外戚傳

詩二

太

羽翼何時就楚歌空斷腸多情漢天子貧賤事難忘  
永巷秋風恨長門墜葉心可憐酒鑪畔空說賦千金

過興義府作

驅馬沙場氣消沮荒煙一片無鼯鼠曠野風多少客  
行鬪體夜深作人語大將歸來賊已平連朝獵獵聞  
旗旌黃金鑄印曾如斗白骨成灰豈是鯨此時賊去  
千村空十室五室呼芎藭樹根暫可果饑腹道路立  
斃僵西風蕭條過客魂俱斷兵火纔知人命賤若將  
諸葛作長城劍外何須尙攻戰

昆明厲舍孫文學紹謀吳公子朝過送留宿因贈

萬種別離思一宵燈火情可憐暗蛩語總是斷腸聲  
風雨懷知己文章保令名勉爲少年事無忘此時盟

惆悵詞

柳枝太長柳絲短一夜西風到閒館燈前無那酒杯深誰識愁腸此時斷斷腸何事忽逢君淚入深杯語不聞清軒不留天上月忽雷欲散空中雲顚額青衫顧紅袖共此離樽兩消瘦況復千重萬重樹今宵怕

促銅壺漏猶記相逢眼易明春山眉樣寫初成後庭

詩二

七

紅杏前庭柳大婦流黃中婦爭起來獨倚熏爐坐絕似嬌花受煙籠玉鞭時有問花人難得相看兩心可奈此東風紫陌何郵亭只許片時過何人爲製青春曲搘爾生平紅淚多蘭陵公子滇中客一樣看花號花癡萬種清愁月與盈幾番幽意香同惜會合無期信未乖同心有字亦低回大堤每問黃衫客恨殺門前繫馬來去去烽煙滿羅甸當筵一曲商聲變琵琶已破唾壺殘生前何地重相見卽此真成決絕詞如君有恨幾人知延年但願長相憶縮地何能竟別離且自沈沈飲深夜瘦馬待君停一舍蠟淚燒乾燼尙

紅明月未圓花易謝種得情根似海深天涯無處不寒砧江湖作客飄零日雲樹懷歡惆悵心記將姓字在歌後劉家弟六年十九交水驛樓斜對門題詩須記門前柳

威寧州七星橋

百尺浮橋兩度經潺湲水響不堪聽江通巴蜀天成險巖拖星辰地最靈丞相祠荒秋草白蠻人洞僻暮煙青大星落後秋風冷鐵柱何人許勒銘

石鼓歌

古人論書宗石鼓日坐高齋想摹取偶向苴蘭市上

詩二

八

行十番得自秦中賈璧閒暫張古香聞詰屈龍蟠瘦蛟舞二千餘歲精光存三百六篇文字補此中奇字釋同異趨重文校楊許周文周宣歌則殊或云羸政夸厥武初尋筆畫斯頗同更贊偏旁籀尤古八分未散隸書微字青石赤茲可覩遺碣瑯琊迹太殘古鼎焦山差共數大篆當年起蒼頡正定史篇傳十五與茲表裏足相發鄭樵潘迪猶莽鹵卻疑身立周秦間去問六書讐帝虎父書摹印總後出豈許紛紛變門戶近人學書太麤率對此模黏意殊苦賈人告我攜此文輾轉梁荆貨無主今朝拂拭適露奇若得歌